

OFFRANDES

- - Los as fachs, los nos as balhats, los presents de la terra.
X Aura nos t'en pòrtem los premicis,
Los premicis de tot ço que nos a balhat.
- - Na braçada de palha, te coijaras dessus.
X La balharas a l'asne, li copara la fam.
- - 'Na ponhada de fen per te cubrir lo pes.
X La balharas au buòu, e quo sera sa força.
- - 'Un borlhon de lana per t'achaurar las rens.
X La balharas a tos enfants, que crenhan tant la nevìa.
- - Na seïtona de calhadas fluridas coma ròsa.
X Las balharas à tos bergiers, quo sera lor pitança.
- - 'Na plena palissa de crespas que tomban mas dau paelon
X Las balharas a tos paisans, e quo sera lor abundancia.
- - 'Na torta de pan tendre, que te farà frotjar.
X La balharas à tos paubres, e quo sera lor recompensa.
- - 'Daus cacaus, de las nosilhas per te fialar las dents.
X Las balharas à tos riches, ne 'n faran l'òli de lor
Taula e la jòia de lor còr.
- - Quauquas cènas per te sucrar la gòrja.
X Las balharas à tos amis que ne 'n faran bombança.

• Na dotzena de ueus, los pus fresches de nòstres jaliniers.
X La balharas a ton pair, li trobara força e coratge

ché. • Na poma de pomier, que tenian per lo fruch dau pechat.
X Balha-la à ta mair, quo sera lo fruch de la gracia.

• - N'avem pas pogut t'en mai portar.
X N'avem pas pogut tot te portar.

• - Ni los aubres de la forest, las meissions dins lor glòria.
X Lo ciau ni las estialas. Lo solelh ni la clardat.

• - Ni l'aiga que ven per temps ; la mar ni los peissons.
X Ni lo bestiau ni las sauvatginas.

s ! • Ni lo vent ni pas mai las nivols. X Pertant : zo te portem !
• Te portem tot.

X Te portem tot. • La terra, lo ciau e la mar.
X Lo solelh dins sa gloria.

• Te portem tot dins nòstre cor.
X Nòstres bonaürs • nòstras penas.
X Nòstres malaürs • nòstras joias.
• X Te portem nòstre cor e nòstras bonas volontats.